

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за економске реформе и развој



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za ekonomske reforme i razvoj
Zajedničko povjerenstvo za ekonomske reforme i razvoj

Broj: 03/3-50-14-9-12,2/25

Sarajevo, 4.2.2025.

ORIJENTACIONI RADNI PLAN
ZAJEDNIČKE KOMISIJE ZA EKONOMSKE REFORME I RAZVOJ
ZA 2025. GODINU

SARAJEVO, FEBRUAR 2025. GODINE

Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20, 53/22, 59/23 i 50/24) i člana 55. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), Zajednička komisija za ekonomske reforme i razvoj Parlamentarne skupštine Bosne i Hercegovine je na 12. sjednici, održanoj 4.2.2025. godine, utvrdila

ORIJENTACIONI RADNI PLAN **Zajedničke komisije za ekonomske reforme i razvoj** **za 2025. godinu**

Predviđena aktivnost Zajedničke komisije za ekonomske reforme i razvoj (u daljnjem tekstu: Zajednička komisija) u 2025. godini zasniva se na realiziranju međunarodnih dokumenata kojima je vezana Parlamentarna skupština BiH, te specifičnim aktivnostima Zajedničke komisije koje proističu iz njene nadležnosti utvrđene članom 61. Poslovnika Predstavničkog doma i članom 51. Poslovnika Doma naroda Parlamentarne skupštine BiH.

Na osnovu člana 61. Poslovnika Predstavničkog doma i člana 51. Poslovnika Doma naroda Parlamentarne skupštine Bosne i Hercegovine, Zajednička komisija razmatra pitanja koja se odnose na:

- a) ekonomske reforme koje su u nadležnosti institucija BiH;
- b) prijedloge reformi ili inicijative koje Zajedničkoj komisiji dostavljaju predstavnici građanskog društva, odnosno udruženja privrednika, unije poslodavaca, sindikata, agencija za regionalni razvoj, udruženja građana ili drugih nevladinih interesnih grupa;
- c) monetarnu politiku;
- d) politiku vanjskog zaduživanja;
- e) odnose s međunarodnim finansijskim institucijama;
- f) politiku i program obnove i razvoja Bosne i Hercegovine;
 - 1) provođenje dokumenata koji doprinose realizaciji održivog razvoja i međunarodnih obaveza u oblasti održivog razvoja u Bosni i Hercegovini,
 - 2) planiranje finansiranja razvojnih prioriteta definiranih u strateškim dokumentima Bosne i Hercegovine, a koji doprinose realizaciji održivog razvoja u Bosni i Hercegovini,
 - 3) odnose s tijelima nadležnim za praćenje realizacije održivog razvoja u Bosni i Hercegovini,
 - 4) usklađivanje strateških dokumenata Bosne i Hercegovine s dokumentima koji doprinose realizaciji održivog razvoja u Bosni i Hercegovini i analizu njihove primjene,
 - 5) provođenje dokumenata koji se odnose na realizaciju održivog razvoja i međunarodnih obaveza u oblasti održivog razvoja u Bosni i Hercegovini; definiranje mjera ekonomske politike;
- g) fiskalnu i kreditnu politiku Bosne i Hercegovine;

- h) politiku bankarstva;
- i) statistiku, mjere i standarde.

Zajednička komisija razmatra i druga pitanja iz oblasti ekonomskih reformi, obnove i održivog razvoja Bosne i Hercegovine.

Prema dosadašnjoj praksi, Zajednička komisija izrađivala je orijentacioni radni plan iz svoje nadležnosti i razmatrala zakone i druge akte, nakon što je kolegiji oba doma odrede kao nadležnu za razmatranje.

Orijentacioni radni plan sadrži pregled najznačajnijih aktivnosti Zajedničke komisije s utvrđenim rokovima u periodu januar - decembar 2025. godine, prema sljedećem rasporedu:

JANUAR - MART

- razmatranje zakona i drugih akata od ovlaštenih predlagača i dostavljanje mišljenja i izvještaja Predstavničkom domu i Domu naroda PSBiH;
- razmatranje Prijedloga izvještaja o radu Zajedničke komisije za 2024. godinu;
- razmatranje Prijedloga orijentacionog radnog plana Zajedničke komisije za 2025. godinu;
- organiziranje tematske sjednice s nadležnim institucijama, Ministarstvom sigurnosti BiH i Ministarstvom vanjskih poslova BiH o temi: "Zapošljavanje stranih državljana u Bosni i Hercegovini – izazovi i perspektive";
- organiziranje tematske sjednice o temi: "Članstvo Bosne i Hercegovine u WTO".

APRIL - JUNI

- razmatranje zakona i drugih akata od ovlaštenih predlagača i dostavljanje mišljenja i izvještaja Predstavničkom domu i Domu naroda PSBiH;
- razmatranje Izvještaja o radu Vijeća ministara Bosne i Hercegovine za 2024. godinu;
- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Instituta za intelektualno vlasništvo BiH, Instituta za mjeriteljstvo BiH, Instituta za akreditiranje BiH i Instituta za standardizaciju BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija;
- u saradnji s UNDP-om, organiziranje konferencije ili radionice koja bi se ticala praćenja spremnosti institucija Bosne i Hercegovine da odgovore na preuzete obaveze iz Programa održivog razvoja do 2030. godine, kao i primjene Agende 2030. na svakodnevni rad komisija;
- organiziranje tematske sjednice o temi: "Niže naknade kroz modernizaciju platnih sistema u kontekstu usklađivanja sa SEPA (jedinstveno područje plaćanja u eurima) i TIPS (instant plaćanje u eurima)".

JULI - SEPTEMBAR

- razmatranje zakona i drugih akata od ovlaštenih predlagača i dostavljanje mišljenja i izvještaja Predstavničkom domu i Domu naroda PSBiH;

- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Agencije za statistiku BiH - prezentacija aktivnosti, predstavljanje eventualnih problema s kojima se susreće i predlaganje mogućih rješenja uočenih problema i unapređenja rada Agencije;
- u saradnji s UNDP-om, organiziranje konferencije ili radionice o temi: "Komplementarnost SDG okvira i Reformske agende za Bosnu i Hercegovinu";
- pružiti podršku za organiziranje zajedničke tematske sjednice oba doma Parlamentarne skupštine BiH o temi: "Kuda ide energetska sektor u BiH – Uticaj CBAM-a na ekonomiju Bosne i Hercegovine".

OKTOBAR - DECEMBAR

- razmatranje zakona i drugih akata od ovlaštenih predlagača i dostavljanje mišljenja i izvještaja Predstavničkom domu i Domu naroda PSBiH;
- nastavak prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Agencije za rad i zapošljavanje BiH - prezentacija aktivnosti, predstavljanje eventualnih problema s kojima se susreće i predlaganje mogućih rješenja uočenih problema i unapređenja rada Agencije;
- organiziranje tematske sjednice ili konferencije o temi: "Kakva je budućnost CEFTA-e?";
- organiziranje tematske sjednice o temi: "Bosna i Hercegovina - trgovinski sporazumi, arbitraže i obaveze".

Međuparlamentarna saradnja

U okviru međuparlamentarne saradnje Zajednička komisija će, po potrebi, organizirati posjetu entitetskim parlamentima (parlamentarnim komisijama), te u zavisnosti od mogućnosti, posjetu parlamentima odnosno komisijama parlamenata zemalja okruženja.

Ostale aktivnosti

U osnovnom zakonodavnom postupku Zajednička komisija treba da ispoštuje poslovničke odredbe komisijske i plenarne faze. Prema utvrđenoj dinamici, Zajednička komisija razmatrat će predložene akte iz svog djelokruga i pravovremeno izvještavati predsjedavajuće i kolegije oba doma.

U zavisnosti od zaključaka usvojenih na sjednicama Predstavničkog doma i Doma naroda, Zajednička komisija će eventualno organizirati javne rasprave posvećene projektima donošenja pojedinih zakona.

Zajednička komisija će samostalno ili u saradnji s partnerskim organizacijama organizirati okrugle stolove o temama koje će biti razmatrane na sjednicama Zajedničke komisije.

Ako bude potrebe i mogućnosti, Zajednička komisija organizirat će posjete institucijama iz svoje nadležnosti, kao i drugim institucijama s kojima je imala ili namjerava uspostaviti saradnju, a koje se bave oblastima iz nadležnosti Zajedničke komisije.

Orijentacioni radni plan Zajedničke komisije bit će fleksibilan i prilagođavan aktualnim temama.

Predsjedavajuća Zajedničke komisije

Ermina Salkičević-Dizdarević